



INATSISARTUT

## Aningaasaqarnermut Naalakkersuisoq

Ulloq: 4. september 2018

J.nr.: 01.31.06/18-00808

### Aningaasaqarnermut Akileraartarnermullu Ataatsimiititaliap tallimangornermi ulloq 17. august 2018-imi aalajangiineranik Naalakkersuisunut ilisimatitsineq.

#### Air Greenland A/S-imi piginneqataassutit pisarinissaanut suliap inger-laqqinnissaa - Suliaq nr. 01.31.06/18 – 00808. Isertuussassaq.

Naalakkersuisut inassutigaat,

- kontumi pingaarnermi, 10.06.27 Aatsitassanut suliffissuaqarnermullu pilersaarutitut atatillugu arlaannaannulluunniit attuumassuteqanngitsumik paasiniaasussanut aningaasanik tapiissutit, aningaasaliissutit 600.000 kr,-inik ikilineqassasut
- konto pingarneq 20.11.50 Ingerlatsineranut sillimmatitut aningaasaliissutit 200.0000 kr.-nik ikilineqassasut.
- Konto pingarneq 10.01.01-imi, Naalakkersuisut Siulittaasuata Naalakkersuisoqarfia, aningaasaliissutit 2600.000 kr.-inik amerlineqassasut.

#### Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Ataatsimiititaliami amerlanerussuteqartut Siumup, Inuit Ataqatigiit Partii Naleqqallu ilaasortaataasa inassuteqaatit taperserpaat. Tassungu atatillugu amerlanerussuteqartunit kissaatigineqarpoq suliap ingerlanera pillugu ingerlaavartumik ilisimatinneqartarnissaq.

Ataatsimiititaliami ikinnerussuteqartup Demokraatit ilaasortaataata inassuteqaatit taper-sersinnaangilai. Icelandair Groupip minnerpaamik 51 %-imik piginneqataassuseqarluni Air Greenlandimik piginneqataalernissaa aaqqiissutissatut akuersaarneqarsinnaasutut isigineqannginneranik Naalakkersuisut paasissutissiinerat taassumalu ingerlanneqarneranik unitsitsineq tamatumunnga tunngaviupput. Ingerlatseqatigiiffimmi pisortat piginneqataanerata annikillineratigut namminersortut piginneqataanerisa annertusarneqarnissaannut periarfissamik atorluannissaq ilaasortamit kissaatiginartinneqaraluarpoq.

Ataatsimiititaliami ikinnerussuteqartup Suleqatigiissitsisut ilaasortaataata taamatut pisinissaq tunngaviusumik akerleraa, tassa tamanna ingerlatseqatigiiffiup unammillersinnaasusianik ajorseriartitsisussatut, ingerlatseqatigiiffimmi piginnaanerineqartunik avataanillu pisarsasiassanik ajorseriartitsisutut isumaqarfigineqarmat. Kiisalu inassuteqaat siunissami kisermaassilluni inissisimalernissamut siuarsaataasinnaasutut nalilerneqarpoq – piffissami Kallaallit Nunaata kisermaassinernik taamaatitsinissamut nukittorsarfissaani suliasanillu amerlanerusunik namminersortunut tunniussivissaani.

Taamatutaaq aarleqqutigineqarpoq ingerlatseqatigiiffimmi piginnaasat tamarmiusut annikinnerulissasut, taamaattumillu aningaasaliissutissaq una Suleqatigiissitsisunit taperserpeqarsinnaanngilaq.

**Aningaasaqarnermut Akileraartarnermullu Ataatsimiititaliap aalajangiinera**

Siuliani allassimasunik oqaaseqaateqarlutik Aningaasaqarnermut Akileraartarnermullu Ataatsimiititaliami amerlanerussuteqartut Naalakkersuisut inassuteqaataat **akuersissujtigaat**. Ikinnerussuteqartut siuliani taaneqartut Naalakkersuisut inassuteqaataat **akuerinngilaat**.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua